

# Hartsmart in März

Riemel: [www.addi-kahl.de](http://www.addi-kahl.de) / Teken: Peter Schultz

As 'n lüttje Feddernball mit  
Stupssteert, so nüüdelich bruun,  
drööm he in denn Märzmaand  
düssen wunnerbooren Droom:  
Ik warr een warmet Nest in 't  
puttdichte Krattwark planen  
un mi as stolte Brüüdigam na  
sööte Bruut umkieken bi all de  
Damens.....

“Hallo ji Deerns”, rööp he hell:  
“Ick as Tuunkrüper-vun-Tuun  
will mit de, de mi heiraden deit,  
uns luurlütte Riek opbuen.  
Ik meen, op 'n "König" kann  
Jeedeene höhnerblind buen.  
Se mutt sik avers ok engajeert  
een düchtige Tuunkönigin totruun!



Ik haff all langen mien Glückslott plazeert in een oolte Wichelboom,  
vull weeke Moos stoppt un goot versteken in 't Schalm an Watersuum.  
Uns Nest will ick noch 'n beten beter utpolstern mit weeke Pluum,  
för uns lütte Tuunkrüperkinner, dat is mien Opgaav un sööte Droom.  
Man to, leef Damens, würr sik mi denn maal Eene motig anvertruen?  
Ick heff 'n fien Leven antobeden as stolte "Tuunkrüper-vun-Tuun!"